


詩

李相國集
五



東國李相國全集卷第十三

古律詩

問謫仙行贈內翰李眉叟坐上作

我不見太白思欲夢見之夢亦不可見久矣吾
之衰今日逢君真謫仙夢耶覺耶心復疑問君
天寶中幸荷明皇知沉香亭前賦為藥灑面立
進清平詞又於便殿草綸誥宮娥呵筆天寒時
寶床賜食降輦迎是時恩遇亮不貲胡為反見
斥謝家青山浪迹空吟詩一朝捉月入滄海瀛洲
蓬萊何處採靈芝公之去兮已千載胡今眷眷

復來思筆下風流餘舊態飲中情味今何虧
子不飲應悔當年不自檢枉被將軍貝錦辭塌
翼落天上遽失九萬圖南期意欲改舊調唾手
取爵凌臯夔所以不飲酒此意識者誰謫仙謫
公吾已見雖使執鞭安敢辭

正旦路上逢山人口占戲贈

我於世上遇王春已分年來老逼身深谷想
應逃歲月如何亦作靈眉人

訪金同年

延脩家用古人詩韻

草玄真似子雲家好事吾儕肯見過美玉不應

長蘊積黃金行見一披沙穴中寒鼉藏頭角竿
上飢鷹縮爪牙我舞君歌歡意足風流明日向
人誇

丁卯十二月初八翰林夜直有作示
禁中諸公

晚承恩遇出平沉猶被人呼李翰林玉署金坡
名信義象床綺食事難尋依稀堪盡葫蘆樣潦
倒無心為藥吟宮漏添籌寒夜永詞頭草罷擁
孤衾

次韻諸公見和

切雲仙署夜沉沉寒露丁東滴翠林枯腊方承
雲雨潤衰髯難避雪霜尋人言老鶴乘軒去我
苦寒螿抱葉吟薄命如吾猶得忝賴無侍史護
香衾

釣名諷

釣魚利其肉釣名何所利名乃實之賓有主賓
自至無實享虛名適爲名所累龍伯釣六鼈此
釣貞壯矣大公釣文王其釣本無餌釣名異於
是僥倖一時耳有如無鑑女塗歸斬客媚粉落
露其貞見者嘔而避釣名作賢人何代無顏氏

釣名作循吏何邑非龔遂鄙哉公孫弘為相乃
布被小矣虎昌守授錢飲井水清畏人之知揚
震真君子吾作釣名篇以諷好名士

已巳年燈夕 翰林癸呈

文機障子詩二首

九門清蹕走驚雷
藥闥華筵卜夜開
龍燭影中排羽葆
鳳簫聲裏送金杯
三呼萬歲神山湧
一熟千年海菓來
恩許侍臣司宴樂
宣花滿插醉扶迴

祥煙繚繞 紫宸高幄座中央
認赭袍洞府徵

歌敲玉索教坊選妓醉仙桃九層爐薰金龍腦四
炷燈燃白鳳膏西母獻來千歲壽指呼弟子鼓
雲璈

燈籠詩四首

五色雲中拜玉皇
陸頭星月動寒芒
都人不覺天文爛
遙認銀燈爍爍光

紗籠剪水分珠蚌
金殿移天掛玉蟾
炷遍鳳城渾不夜
雞人應誤漏壺籤

絳碧紗籠齒背開
龍膏吐暈紫煙迴
憑渠好續常生燭
萬歲千年炷壽盃

金燈吐焰透紅紗日散千暉暈曉霞四海一家
天子聖瑞光者取百枝花

依韻仰和 駕幸晉康侯茅亭

御制與禁內諸儒
同作進呈

世眼無由覩九天不知底揅展盤筵却因青鳥
偏饒舌認得瑤臺宴列仙

朱門翻作 紫微天排比笙歌擁綺筵上帝七
言誰會了珠宮唯得舞胎仙

復用前韻上晉康侯

禁內諸
儒同作

黃屋前頭總是天紫雲猶繞小亭筵一篇

宸翰貞琳簡讀向人間骨欲仙

汾陽再建聖唐天甲第猶無御幸遙千古三

韓今始見一門能致九門公

草堂邀咸子貞以詩先之

佳節駸駸去不留可堪書室咄哉愁有花絕欲
邀賓賞無酒猶能與婦謀為我何妨迴鋤勤捨
君誰與倒瓊舟莫言窮巷無兼味偶得紅鱸玉
尺脩

次韻咸子真拜右軍判官有作

古來貞將出書生膽氣如君合董兵帷幄方嚴

軍政肅官班猶帶禮曹清莫嗟見集鳳凰沼

公拜省郎以親嫌未出改禮部故去

羸得伸威羆虎營此是男兒康濟日

賀筵休讓玉杯行

扈駕靈通寺借某天院紫衣以詩

奉還

玉堂老漢隨黃屋金闕公人寄紫衣十里青山
松下路滿身文彩闢朝暉

次韻月首座贈趙侍郎冲二首

正日何須手放鳩鵲君家陰德世曾修才高地
貴身兼得年少官尊望最優

相國永仁之季子年二十餘侍郎

愛客風

流傾趙勝尋僧情況倒裴休金闥頗厭連宵直
時為左侍茗席時容半日留喜我早攀尼父翼推公長
作華韻頭此生幸識荊州面何羨人間萬戶侯

右贈趙侍郎

安馴那得性如鳩強項平生負素修入社猶思
陶令飲彌天長服道安優早諳浮世真如寓愧
把微官謾導休焦悴苦遭漁父笑遷延甘作賈
胡留艱危到處坐攢背俯仰無端靈滿頭卜築
他年容我不掛冠神虎謝王侯

右贈月首座

次韻陳學正津間琴二首

人琴幸暗合絃手穩相迎
寓古心逾淡通仙骨
欲輕清於巖溜落幽却
谷風生聽罷月微側冷
然洗我情

淒景調商促陽春撫角迎
數聲敲月謾餘韻出
花輕舊譜宵中了新翻
意外生倩君能聽否雖
老尚鍾情

雲峯住老珪禪師得早芽茶示之
予目為孺茶師請詩為賦之

人間百味貴早嘗
天肯為人反候氣
春紫秋熟

固其常苟戾於此即為異通來俗習例好奇天
亦隨人情所嗜故教溪茗先春萌抽出金芽殘
雪裏商人曾不怕鬚眉冒險衝深捫葛巢辛勤
採摘焙成團要趁頭番獻天子師從何處得
此品入手先驚香撲鼻塲爐活火試自煎手點
花蕊誇色味黏黏入口脆且柔有如乳臭兒與
稚朱門璇戶尚未見可恠吾師能得致蠻童曾
未識禪居雖欲見餉何由至是應菜園九重深
體貌禪英情禮備愛惜包藏不忍啜題封
勅遣中使寄不分人間無賴客得嘗况又惠山

水平生長負遲暮嗟第一來嘗唯此耳餉名孺
茶可無謝勸公早釀春酒旨喫茶飲酒遣一生
來徃風流從此始

腹用前韻贈之

西北寒威方隨指南方朧月如春氣金粟黏枝
已結類均天所覆地各異禪家調格大高生山立
把酸甜隨俗嗜日蕭然方丈無一物愛聽公生聲號
鼎裏評茶品水是家風不要養生千歲藟憐渠
給給抽早芽似欲先供老衲子睡鄉癡漢亦偷
嘗失却從前雷軒鼻憶昔閑游蠻國天四時隨

分嘗新味火前香茗得未多。不似盈盤春筍雜。
摘將萬粒成一餅。一餅千錢那易致。況今惟悴
京華中。為我何人重趼至。吾師也是僧中龍。梵
行無虧禪德備。山堆金帛尚欲施。誰秘新香忍
不寄。收藏慎勿輕與人。除却靈臺澄似水。勸師
早釀。豈妄云欲識茶真味。此茶耳書生寒餓長流
涎。只將口腹營甘旨。若遣孺茶生雅酒勝事。真
從吾輩始。

孫王堂得之李史館允甫王史館
崇金內翰轍只六史館在鄉見之復

次韻荅之

昔者神農嘗草木著之方經要補氣獨於茗飲
弃不收不與萬品論同異聖所未到誰唱先蠲
昏釋館尤所嗜近遭販鬻多眩負競落黠商謀
計裏有如俗醫迷仙方妄把嬰奠云是藁箇中
評品妙且精唯有雲峯一禪子平生自笑腸後
芽辛香辣氣堪掩鼻偶得蒙山第一摘不待烹
煎先嚼味狂客一見呼孺茶無奈老境貪幼雅
不是江南冒雪收京華二月何能致物之自售
皆由人珠玉亦猶無脛至作詩論詰欲代譜筆

端無舌莫詳備要令儒仙挾其精硬牋鹿麕字書

以寄

言一本示
葉林諸公

五君騁思探淵源毫髮莫逃如印水

見詩猶勝見茶經陸生所品糟粕耳可調高亦合

綴離騷當繫詩篇聯四始

孫翰長復和次韻寄之

古今作者雲紛紛調戲草木騁豪氣磨章琢句

自謂奇到人牙頰甘苦異狀元詩獨窮夢腹義如

熊掌誰不嗜玉皇召入蓬萊宮揮毫吮墨銀臺

裏君材落落千丈松攀附如吾類縈藻

不與君同
縈故云縈

然著出孺茶詩豈意流傳到吾子見之忽憶花

溪遊

花溪茶所產君立記
陽時往見故來詩及之

懷舊妻然為酸鼻品此雲

峯未嗅香宛如南國曾嘗味因論花溪採茶時
官督家丁無老稚瘴嶺千重眩手取玉京萬里
頽有致此是蒼生膏與肉嚙割萬人方得至一
篇一句皆寓意詩之六義於此備隴西居士員
狂客此生已向糟丘寄酒酣謀睡業已甘安用
煎茶空費水破却千技供一啜細思此理真
害耳知君異日到諫垣記我詩中微有旨焚
山燎野禁稅茶唱作南民息肩始

房狀元竹寶見和次韻荅之

居士年來了萬緣唯有詩狂餘習氣物或不類
尋常看窮搜細剖狀其異此茶品絕可無詩况
復平生素酷嗜悠然到此誰所餉想自江淮煙
瘴裏為恐清香先發洩牢鑱縹緗纏紫蘂秘之
不敢示情親碌碌何曾數餘子寓心獨待識茶
人不是風介誰斲鼻碎鑄撲火久不煎正怯兒
曹輕品味譬如富貴深閨中養得嬌蛇鵝頭稚
眼高深恐嫁凡婿著意東床期欲致我今何者
敢來談意外忽逢仙分至房公落落天上人
房為楷
內作楷
衰皮裏陽秋備評人餘論移於茶說脉論源聊

見寄讀了冷冷洗煩悶恰如醉面洒寒水對茶
索酒頗似狂可笑前言真戲耳草庵他日叩禪
居數卷玄書討深旨雖老猶堪手汲泉一甌即
是衆禪始

孫翰長家詠春雪用古人韻

灑遍庭林豎綠叢寒暄未可信天翁防他江上
南來鷺悔殺雲間北去鴻梅塢飄將花滿地柳
堤飛趁絮隨風但嫌時令乖和氣豈害吾儕爛
醉中

奇平章挽詞翰林奏呈

三朝翼亮鐵心堅富貴功名四十年鳳閣早腰
丞相印鼇山兼領史臣權金章解早方圖遠公引年致仕
紫府微忙亦要賢池館蕭然空碧草鸞溪里退食齋也玉
簪零落淚如泉

山呼殿訪內道場惠首座方文賦

紫牡丹二首

頑紅未合近宮闈却學中人身上衣色厚全欺
雞髻淺香濃應笑麝射臍微貪承万乘鍾情賞
年年主上來賞故待千花入眼稀舊譜曾聞紫中貴才凡
未識是耶非

復和

一朶仙花在

禁闌年年長近拓黃衣天工過

與紅顏醺世眼翻成紫色微闌下方傳千品最

人間喧道兩京稀

牧母有兩京身

聞名杜牧如相見豈對

妍姿更認非

杜牧去聞有紫雲誰是

春日入豪俠家飲有作

自緣病肺懶尋春紫陌今朝散步巡賴有君家

開劇飲久教吾輩負芳辰花顏嬌妩工留客酒

力麤剛解倒人按碎牧丹授舞妓故看頰頰薄

生嗔

又聞雙琵琶口占

帶玉露花頭上
挿滿金盃酒
手中傾一雙
倡妓真仙子
齊把琵琶作鳳鳴

案中三詠

小盆石菖蒲

凡物之榮悴皆因地
瘠肥土肉厚封植
猶恐有時腴嗟爾異
於是性與膏泥違
區區硬盆底鑿鑿
碎石園是汝託根處
地脉安所歸
綠葉滋暢茂
尋尺猶可希
最愛清曉露
團團綴珠璣
蕭然几案上
永與我相依

綠甕硯滴子

么麼一青童。綴玉作肌理。曲膝貌甚恭。分明眉目
鼻競日。無食容提甕。供滴水。我本好吟哦。作詩
日千紙。硯涸呼僂僂。僕僕伴聾耳。千喚猶不應。
嗾嗶乃始已。自汝在傍邊。使我硯日涸。何以報
爾恩。慎持無碎棄。

竹硯匣

孤竹館霜雪。南人輕剪裁。問爾心所屬。凡百皆
不悅。被人作笛吹。恥趁屑與舌。被兒作馬騎。出
胯無奈劣。願來几案間。日與詩人牒。此意有足

嘉宜備書筵設障我硯中塵使我硯池縈占書
與裁詩腕脫不容輟緣汝若得官効甬堅貞節

禮成江上偶吟二首

不以牛系
軍課潛解

行繞清江課漕舩篙工羅拜白沙遶海軍擁後
猶吹角鷗鷺驚飛不自前

江鷺飛時吟正快海潮來後語還雄偶然傳寫
江湖景錯認年來狀物工

焚藁

焚三百餘首

少年著歌詞下筆元無疑自謂如美玉誰敢論
瑕疵後日復尋譯每篇無好辭不忍汙箱衍焚

之付晨炊明年視今年棄擲一如斯所以高常
侍五十始爲詩

訪應禪師方丈

居士皤然鬢欲霜尋僧訪寺度年光世間只有
禪公室每到深斟大道漿

詩情淡薄渾無味官况闌珊自少歡時訪懶
還懶話青熒燈畔睡蒲團

蒲團睡熟落冠巾空空寥寥不見人更坐觀心
融萬想炯然明月自無塵

再八玉堂有作書壁上

玉堂本爲待賢開
重玷仙班愧不才
院吏察貧仍舊在
依然如入故鄉來

李郎中仁老孫翰林得之見和復
用前韻

銀臺直對壁門開自古尤難選翰才一步花輓
猶過望愚儒何幸得重來

次韻陳翰林題苗正字大隱樓在市邊

我不欲開門飲酒省賓客欲向長安市上大會
酒徒浮太白又不欲曲房密室唱小詞欲向豪

家俠宅高歌興吹笛愁人曠額不言愁有如冰
底之水鳴咽不快流丈夫愁來即大哭不宜暗
泣空低頭達哉苗君大隱九市中笑却嗆松喫
水青山幽

白天院賁華家賦海棠用樂天詩

韻

李秀才
同賦

似識先生用意裁故應恰恰趁時開龔妃嬌侍
臨春閣楚女閑過夢雨臺映日醺醺顏更爛隔
林羞澁笑猶迴浮紅一餉終如夢更約明朝把
酒來

六月二十日夕雨忽晴與客行園

中記所見

經旬鏢暗雨似歇惡客寓今日朗新晴如與故人遇
遶園行獨吟清陰引幽步深深綠葉間滴
滴啼餘露地鏡耿可鑒墻衣綠漸布杏子爛黃
金入口甘於乳朱李倒紅腮景憐同姓樹林擒
綴珠玑頗覺味醞苦瓜蔓走長籬蘭華被幽圃
悠哉觀物化亦足養真趣

七月十日遊大安寺留題

路接巉岩絕壁前晴雲蓬渤湧如烟流泉遇石

徘徊去走葛緣松委曲纏僧院寂寥閑世界洞
門寬曠別神仙何人乞與霞漿飲爲洗紅塵舊
骨臃

八月見梨花忽開二首

秋光春色忽同技造物由來固莫涯若驗一年
花再發衰顏儻有更紅時

颯颯金風肅娟娟玉蘂新歲和天上醉錯遣已
歸春

草堂日暮值琴客置酒

落日無端百感生茅齋閑坐若爲情霜風釀作

秋光釀烟月裝成晚景清
賴有故人彈綠綺時
呼稚子酌烏程此時酒
令吾先畫弄一聲來輒
數觥

詠雪

匝地渾天同浩浩
埋高填塹混茫茫
飄飄點袂
逡巡滅六出功夫未細詳

入水無蹤著地堆
過簷飛去遇風迴
却因喜舞
全欺蝶若更儲名莫辨悔

簇成銀嶺擁窓前
推作瓊輪委路邊
若是白鹽
魚粉麵自家連砌尚難專

守歲

門上挿桃何詭誕
中爨竹柰支離辟
溫丹粒猶虛語爲
倒醇醅故不辭

走筆謝文禪老惠炭

禦寒珍炭千金直
渴火寒爐一夕溫
感借餘炎容炙手
報恩他日直須吞

早春臨津江上送文禪老還本寺

江上口占

胡爲勸駐馬不欲
見乘舟後會縱青
眼此行應白頭

文禪師見和復次韻荅之

出城飛一錫
候水漾孤舟
行色不堪見
背江嶺
轉頭

上元燈夕文機障子燈籠詩翰林
奏呈文機障子

夜勅金門九扇開
玉簫聲裡宴瑤臺
百枝燈影搖宸仗
萬歲山光入壽杯
踏席腰輕仙妓舞
綵幢踰絳童才
太平多暇宜同樂
恩許千官徹曉陪

燈籠詩

煌煌列燄花齊綻薄薄輕紗水正澄
炤却萬人同一影始知真箇大王燈

次韻金大年贈妓并序

夜飲梁君南一家金君大年醉眠
妓以空盞就勸註之金起而欲飲
不得目戲爲一絕贈之予卽和之

云

知君閨苑誤翻觴見謫無聊下殿堂
坐看舊狂雖失飲尚緣仙分入平康

七夕飲友人家

銀漢橫斜月漸彎良宵靈匹正成歡憑君要喚
娥眉豔天上人間樂一般

淵省座方丈觀鄭得恭所畫魚族
子

水爲魚所家失則鼎中鮮人盡水中魚如向鼎
中傳雖爲游泳態尚類失水然鄭君信神筆妙
手得於天一掃數十尾發發皆鱗鱗得水勢已
足何必寫漪漣鬣鬣欲動目力珠光旋疑君
蓬島客久作水中仙看魚飽且熟應手隨所
指欲捫觸猶恐跳藏淵吾詩氣力柔敢作活魚篇

又次書族子詩韻贈之

身如匹素付人裁世上何時笑口開
星散萬家無處去天遊一室訪公來
閑雲傍檻輕縈帶微雪黏枝乍學梅
莫道遠公元不飲尚容陶令勸
舍杯

復和

春搖詩思浩難裁酒入愁眉皺正開
病脚尚將筇拄到閑身何必馬馱來
商山未擬尋名綺吳市如今隱姓梅
何幸得逢希有鳥五湖猶可視
如杯

李白鵬賦云
孟晉五湖

孫翰長得之見和復次前韻

新詩似著剪刀裁老眼驚看錦段開金牒記君
曾省捷玉堂慙我晚攀來始終交契期膠漆先
後功名任杏梅早識脩鱗橫海大其如魯國
於孟

癸酉孟春十七日與陳翰林澤夜

飲林秀才元幹家大醉林君請觀
長篇律詩走筆予使陳公唱韻賦

之文不加點不容一瞥

是日無韻書陳君
直唱故音無次第

凍沍潺湲出春風料峭寒得年顏欲改感物意

難安烘炭初嫌烈涼衫漸近單柳絲攪眼綠桃
未吐唇丹水漫魚將樂林暄鳥語歡良辰此莫
勝佳會古猶難飲幸松亭靜吟後擇燭殘酒踰
雲液酌饌勝菊英餐漸欲天為幕何占日上竿
高情穿月脇逸思跨風翰醅酹甘杯釃功名任
印刺青衫猶才祿白髮尚微官不分碧紗護知
非黃土團倣如千日醉曷賽一生酸歲月留難
絆神仙夢亦于紅塵猶啄腐丹鼎未吞丸張望
壺天路空沉陸海瀾得君欣且服行已正而端
失意曾遺醜

陳近者以除官忽夢棺

還資入翰林

予

心難苦窅子意海何寬忝作雙飛鶴來尋五色
鸞指言直須披肺腑慎勿覓痕瘢話舊腸先斷
論文淚已洩隋珠無處售趙璧有誰看賤子便
丘壑即君長綺紉林君相子也心憐清似水言喜臭
如蘭睡魄駘還泥詩源倒欲乾知音如不聽流
水為誰彈

林君又以畫盤松屏風請古詩走筆復使
陳君唱韻賦之

昔渡江南驚浪如飛雪萬壑崩騰雷電裂舟隨
浪高下中有一龍屹起來相齒其頭其角我細

看過眼俄然還復滅龍欲屈如弓松欲硬如鐵
松不硬似無骨龍不屈似無血今看此松無奈
似箇形曲腰橫脇昂伏雲浪千年穴賴我當年
尋水仙備歷蓬島金銀闕不覩龍安知松掀髯
奮鬣欲走還蹶蹶汝是真龍寧向此中蟠好待
挑花水張春三月

覽鏡贈梁校勘二首

怯把菱花拂古塵恐緣形瘦轉傷神今朝一覽
真堪詫面暈猶紅鬢尚春

千首詩中雙白髮萬家盃底一朱脣分明邂逅

坐相笑却勝丹青謾寫真

梁校勘見和復用前韻

玉鏡清澄不受塵笑渠猶未映精神明朝酒醒
應休炤坐失紅顏一日春

我師曾叟猶圩頂吾祖玄元亦厚脣誰謂春卿
鏡中態依倚如畫兩君真

聞鶯

已分年年幾暮春千紅半謝不須嗔解調清管
聲音雅偷鑊黃金羽翼新薄行少年誇聽早學
歌嬌女妬啼頻擡頭欲賞毛衣好飛轉喬林未

勿親

興天寺江上偶吟二首

碧水接天天接水薄雲如霧霧如雲村畦稻熟
門前獲野店機鳴路上聞

灘迴山下水環山山曲時時路隔灘路入孤村
殘日落碧天雲破月如彎

游魚

圉圉紅鱗沒復浮人言得意好優游細思片隙
無閑暇漁父方歸鷺更謀

東國李相國全集卷第十三

東國李相國全集卷第十四

古律詩

春日訪山寺

風和日暖鳥聲喧
垂柳陰中半掩門
蒲地落花僧醉卧
山家猶帶太平痕

寓古

省飲猶可期
忍言非不易
細思此浮生
倏若過隙駒
一朝瞑雙目
祖送北邙趾
雖欲作狂態
白骨能復起
雖欲與人語
其奈幽明異
白楊風蕭蕭
三尺墳空峙
尺墳未可保
樵牧踏皆圯
觸髀

沒蒿蓬麋鹿於焉底此時善與惡混混同一軌
萬世稱惺人死者蒙何利萬古道狂客死者有
何恥奈何矯飾者矜持蓄沉思義酒豈不嗜噉
噉莫成醉有言不敢吐囊括好自秘此亦一般
夢何論孰是非

聞鶯三首

公子王孫擁綺羅要憑嬌唱助歡多東君亦學
人間樂開了千花遣爾歌

歛去藏何處啼來必此時有期還有信為鳥頗
靈奇

鷓鴣爲不堪見朝夕尚孤孤將爾色音好其來何苦遲

天壽寺門外吟

三月春風晚處處祖慈悲南北復南北別離還
別離落花不忍見芳草恨無涯年年折盡柳還
復萬條垂爲問枝上鳥幾聽陽關詞自然經此
地猶似送人時惻惻傷我抱不如不來茲

和友人黃蜀葵

天工著意剪絳英品絕知從蜀地生露重偏憐
金盞側風經更見道冠傾

晚步待人

暮雨新晴步綠莎
落霞殘日映翻鴉
一聲吠犬疑君至
唯聽門前醉客歌

遊九品寺迫晚

山險馬猶蹶路長人易疲
驚鼯潛入草宿鳥已安枝
虛閣秋來早危峯月上遲
僧閑無一事除却點茶時

次韻文長老聞友人彈琴

通仙從水府舞幻向珠宮
淚滴哀彈裏心冥古韻中
寒敲松檻月靜落竹階
風不待煩柔指都令骨肉融

灌竹

小庭移稚竹日夕灌其根南土氣候暖本無護
養勤尚戢戢戢戢笋擘地羅兒孫於茲生意窘須
仗勺波恩今晨有何喜柯葉稍已繁工甯安敢
望聊以庇吾軒玄冬雪三丈始識爾性存

題李花

汝與我同姓逢春發好花吾顏不似舊反得鬢
霜多

夏日開國寺尋僧不遇池上作

板扉牢鎖寂無僧還傍清池避暑蒸此去都城

無幾步倚林閑坐尚慵興

兀坐池邊草作茵旋風吹起落冠巾煙低綠樹
縈羅帶露滴青荷漾水銀

次韻文長老朴還古論槿花并

序

長老文公東臯子朴還古各論槿花
名或云無窮無窮之意謂此花開
落無窮或云無宮無宮之意謂昔
君王愛此花而六宮無色各執不決
因探樂天詩取其韻各賦一篇亦

勸予和之

槿花之二名發自吾二友滯一各不移若尚左
尚右我將試新勇兩敵破一手嘗聞古之人戲
非以為九宮窮亦似戲初傳自誰口予獨立可
斷如辨醇醪酒此花片時榮尚欠一日久人嫌
似浮生不忍見落後反以無窮名儻可無窮有
二子聞之驚闔吻如閉牖我說誠有憑問君肯
之否如將移諸朝亦可言亥首

失扇

炎天六月伏金辰失却團團月一輪祇恐從今

難障面西風長被庾公塵

醉後亂道大言示文長老

詩方不作我何寄海波深處六鼉頂上三山翠
佛法未興子何居須彌山高五色彩雲裏李白
杜甫似蟬噪我下視之拍手戲達磨惠可知蟻
行師之笑聲殷天地嘲弄萬物好綺語杜子窮
終白醉死無心可傳枉傳心二祖坐此隻履徒
還或斷臂我今與子同下人間世紅塵陌上相
彈指法到無心詩反素我始與師唱作大道始
咄哉聖人非異物使人重見釋迦與孔子

歸法寺川上有感

冠童赴歲夏課處也
予少年時亦慣遊

少小翩翩此慣遊
筭來三十七年周
莫言川是人非舊
逝水無停豈昔流

白葛婆婆散髮遊
茂林深樾繞川周
少年蘸足浮盃處
病脚難堪暫下流

明日次夏課諸生韻

此生此地幾迴來
無奈年年白髮催
我輩何嫌今老大
後生猶減舊遊陪
只緣惡雨傾河水
未向清流送酒盃
倒載歸程唯似昔
依然落日隱城隈

漁父四首

一隻針鉤當耒鋤豐年但卜海饒魚農耕千畝
猶艱食沙戶尋常有宿儲

一世生涯付釣臺江村日落醉扶迴自言有酒
何憂佐難下群魚佐膾來

荻花風亂暮江寒細雨蓑衣宿淺灘辛苦烟波
少閑態侯家屏障盡形看

江湖放浪作閑民猶笑公侯富貴身爾笑世人
人亦笑渭川還有釣周人

讀李白詩

呼作謫仙人狂客賀知章降從天來得見否賀
老此語類荒唐及看詩中語豈是出自人喉吭
名若不書絳藥闕口若未吸丹霞漿千磨百鍊
雖欲倣其體安可吐出翰林錦繡之肝腸皇唐
富文士而攫各專場前有子昂後韓柳又有孟
郊張籍喧蜩蟬豈無語宏肆豈無詞屈強豈無
豔奪春葩麗豈無深到江流汪如此飄然格外
語非白誰能當雖不見乘鸞駕鶴去來三清態
已似寥廓凌雲翔所以呼謫仙賀老非真狂

友人家食蓴

烹米古未聞子忽誇能烹呼來細相見是是之謂
尊羹似米而不融遇烹而愈精所以曰烹米令
我聞之驚我生無點累自負心地清口常食俗
物喉底烟塵生今日啖此菜縷縷銀絲輕齒頰
帶霜雪不覺失狂醒何必學張翰却向江東行

和友人詠橘

癡兒始見訝黃金弄久都無咀嚼心
玉殿何年參侍宴親承
御賜爛盈襟

題石泉

每見東流疾潛懷逝者悲清泉知我意礙石故

逶迤

燈夕文機障子詩

綵天風颺舞龍鸞
黼座中開擁百官
燈隔紅紗光閃閃
佩敲蒼玉響珊珊
勅教禁衛停嚴警
恩許都人快縱觀
欲識龜臺來獻壽
露香新摘碧桃寒

燈籠詩

九華燈焰耀熒煌
憑仗清光樂未央
傾海為油山作炷
殷勤好炷萬年觴
冰荷霧縠障風搖
不倩挑頻也度宵
欲識

聖朝多遠貢南油西漆一時燒

蓮燈點綴百枝紅炤遍華筵錦繡叢一夜清歡
都寄汝區區明月若為功

妬花風

花時多顛風人道是妬花天工放紅紫如剪綺
與羅既自費功力愛惜固應多豈反妬其豔而
遣顛風加風若矯天令天豈不罪耶此理必不
爾我道人言訛鼓舞風所職被物無私阿惜花
若停歎其奈生長何花開雖可賞花落亦何嗟
開落揔自然有實必代華莫問天機密把杯且

高歌

陳萍家置酒賞花醉後走筆

作詩非名花筆下無妍詞絕欲遇仙紅腸歸時
一披及看此花豔意極反如癡終朝索一句吟
苦寒螢悲畢竟寡好語對花顏何施花亦向我
笑低昂似相欺有如多情子浪憶一妖姬道傍
忽邂逅相對空逡巡脉脉竟無言况奈論佳期
請君勸我醉更賞夭夭枝詩從醉裏出儻可敵
嬌姿

登鵲嶺有作

欲謁靈祠主嶽君時躋絕頂望軒軒城中萬屋
如蜂綴路上千人似蟻奔霄霽卿雲圍帝闕
葱葱王氣擁天門鵠山形勢龍盤屈自此
皇都固蒂根

次韻李程校書惠芥二首

李程是李
眉叟子也

此生已分飽酸寒蔬菜年來得尚難
華扎無端光甕牖珍投不啻與珠簾
愛同炙背堪鎖貴味勝烹鮮足佐餐
刈去殘莖隨手長莫忘時復潤
枯肝

領得盈盤碧玉寒再三珍重報恩難
青泥洗去

方烹鼎紅粟炊來正蒲簟豈憶吳萸秋有味堪
欺楚菊夕為餐從今不復煩安邑絕勝肥猪日
致肝

眼昏有感贈全履之

我方四十四兩眼已瞢瞢咫尺不辨人如隔春
霧濃問醫醫迺云由汝肝不充不然少忙時讀
書燈影中我聞拍手笑爾是非醫工耳有所欲
聞不聞即為聾目有所欲見不見謂之矇我欲
見天子九閭無由通我欲見金紫布褐不掩
躬我欲見姚魏几草空茸茸未見甲第居白首

李本固集
九
極蒿蓬未見五鼎食顏巷戢屢空以此致目暗
如將疎布蒙是亦天所使何必藥石攻焉知不
為福聾聵能完終

康宗大王挽詞翰林姜呈

夙興勞聖慮晏駕促仙期天上朝真樂人間
喪考悲空餘軒劍墮無復舜裳垂痛哭東門外
那堪望素旗

御極三年國已肥忽因微恙輟宵衣瑤臺縹緲
仙遊遠土殿淒涼御座非未信賓天終莫返
尚疑遊月儻還歸四方涵泳

皇恩久有眼何人不淚揮

蛛網

蜘蛛乘秋候絲雷工織網蟬足行掛絲疾若梭
來往兒童黏以竿遺片隨風颺須臾復結成纖
細不堪望飛蟬誤見絳空作繰車響胡蝶亦來
縈翻翻徒自強我本疾網蟲呼奴釋且放凡有
血氣者口腹誰不養大則而與熊擇獸行舐掌
小則鷄與鶩啄蟲於糞壤若此非一類胡獨憎
爾狀機巧吾所忌汝巧誰與仇吐絲細於蠶不
惜腹中續以此引瘼蟲焉得不見誰

謝人贈茶磨

琢石作孤輪迴旋煩一臂子豈不茗飲投向草
堂裏知我偏嗜眠所以見寄耳研出綠香塵益
感吾子意

書崔貲外宗蕃備忘錄

知公聰慧得於天方寸心中一鏡懸三篋亡書
猶可頌不須更作脩忘編

自田司空元均宅醉迴犯夜

醉客那能分早晏金吾不用更誰何城東嗜酒
花輓客痛飲城西宰相家

謝崔秀才惠林擒甘瓜二首

我家難制衆頑童
綠子生時已摘空
珍重先生能待熟
肯分消渴一詩翁

多饒少辨味如飴
狸首龍蹄品絕奇
自爾年年期見貺
此翁雖老舌猶兒

讀陶潛詩

吾愛陶淵明吐語淡而粹
常撫無絃琴其詩一如此
至音本無聲何勞絃上指
至言本無文安事彫鑿
費平和出天然久嚼知醇味
解印歸田園逍遙三徑裏
無酒亦從人頽然日日醉
一榻

李杜集卷十四
卧羲皇清風颯然至熙熙大古民岌岌卓行士
讀詩想見人千載仰高義

初拜正言有作

八載花甌沐 帝恩白頭方始直西垣平生口
訥如囊括人道無言老正言
拾遺班秩要而清大副書生宿昔情白首青衫
人莫笑金衣前道足為榮

食招菌

菌必生糞土不爾寄於木朽腐所蒸出往往多
中毒此獨產松下常為招葉覆為有招氣熏清

香何馥馥尋香始可得數箇即盈掬吾聞啖松
腴得仙必神速此亦拈之餘焉知非藥屬

詠菊二首

青帝司花剪刻多如何白帝又司花金風日日
吹蕭瑟借底陽和放豔葩

不憑春力仗秋光故作寒芳勿怕霜有酒何人
享負汝莫言陶令獨憐香

謝珍丘住老謙公惠綿

南人養春蠶剥盡千桑枝不幸死且僵未得鎔
銖絲迺知一握絮繁蠶婦功莫涯何況泝泝統任

却手如龜漂竟取靈色愛惜固不貲多師念我
寒遽遣白足馳不憚重繭至供我三冬支遂令
冰叟冷似陟春臺熙吾雖名省郎其宗凍裂肌
不有此溫燠得無卒歲悲雖至屬續日那有敢
忘時

初除司諫兼受金紫戲贈金正言

舊著青衫人不避新披紫袖衆爭趨形容班品

猶依舊

司諫正言皆六品

都為身章貴賤殊

綠衣方脫紫衣披白鬢黎顏尚未移腰褱金魚
微意在自今張目少眠時

春日內省有作

禁省春深白日長
珠簾微動好風涼
忽聞丞相嚴呵喝
整頓冠巾下砌忙

次韻西京倅劉舍人冲祺見寄二首

當年攜手上瀛洲
鳳沼漣漪共濯流
舊綴頭銜

猶未換

舊例不得以省銜赴外
台獨以起居舍人赴官

莫嗟今日阻同遊

未詩有
及故云

聞道西都勝十洲
箇中花柳最風流
登樓長嘯

君家事坐却胡園足縱遊

未詩備言防胡艱苦
無一日開顏之語

聞官軍與虜戰捷

與契
丹戰

虜氣日披猖
殺人如刈草
虎吻流饒涎
吞噬無

幼老婦女慎勿憂腥穢行可掃國業未遽央廟
謀亦云妙行且自就誅焉得避天討吾言豈妄
云今日聞捷報

又

胡騎猶未殲夜卧難交睫郵筒疾似飛報道官
軍捷一國喜濃濃簇賀如雲合

次韻琴相國喜得外孫有作寄崔
平章洪胤

咸郎才調世皆知奠鴈高門早叶龜英物夜生
光炤室賀賓朝集衽成帷不因外姓求佳壻豈

向諸孫得異兒要待識聲溫大尉何煩摩頂誌
禪師羽毛會作冲霄鶴氣膽應吞拔樹羆欲驗
吾言如合契他年徵此一篇詩

台鉉登庸我早知看公足底踏文龜

公昔到子家與朴尚書疏足著蔡子見足

龜

水銜舊綴紅綃署

曾為翰林學士

玉色曾親紫錦帷

公曾為承旨漢唐帝施紫錦之帷

膏液盡沾門下客薰香猶被乳前兒

三英共美邦之彥萬戶行封帝者師名遍江
淮傾草木威行蠻貊懾熊羆公餘著詠多規諷
樂府流傳即雅詩

次韻崔相國洪胤和琴相國題中

書壁上之什奉呈兩相

才兼虎庫與文房步驟雙高粉省堂千古台階
元未見一時兩相甲枝郎

二相皆狀元及第

萬寶殿醮夜

星斗森芒壁月娟嬰香齊點引神仙微臣自負
吭音滑欲讀清詞徹九天

聖主齋心已格天未斟明水福如川玉壇禮罷
迴宸仗拜受黃封雨露宣

又次琴相國題壁詩韻奉呈

借筋竒籌倒子房琅琅高議激朝堂房標第四

何湏訂

相國詩有第
四房之語

門下今年拜侍郎

公時為
叅政

次韻琴相國以任大司成永齡重

娶不開慶宴戲贈之什呈任公伏

希傳獻相國垂覽

聞公端喜聽卿卿
甲族雙華正的當
養氣得充堪自負
畫眉求媚亦何傷
不吞丹藥髭還黑
似點香膏面有光
連理花開春不老
同心枕暖夢偏長
鬢餘久蓄人多戲
賀宴高張衆固望
相國欺嘲誠有味
何湏屏客守帷房

東門外觀稼

次林園集一
乾塊化碧畦費盡幾牛力針芒到黃穗勞却萬人役幸免水旱災萬一儻收得見茲稼穡艱一粒何忍食凡以祿代耕要當勗乃職

稻畦魚

播穀望西成魚肥本非意旣獲又烹鮮人欲何窮已

內直有感示右拾遺水丘源

鏡中絲鬢日紛紛五載遷延直掖垣歲暮松筠猶有節春來桃李又無言仰看天上高鴻舉自笑池邊老鳳蹲胡羯腥涎流宇內一樽何處得

眉軒

聞胡種入江東城自保在省中作
殘胡馘竄逃已入圈牢內得肉幸平分万人甘共膾

次韻李侍郎眉叟寄權博士敬仲

責辟穀三首

孔聖曾無寸土封三千門弟競攀龍在陳絕粒
真飢矣誰見當時肯餌糒

相君骨法貴當封何必求仙要跨龍飽食酣眠
邀好夢待看便腹忽生松

我生嗜酒麴成封醉欲炮麟更膾龍何事權君

長辟穀忍教形貌瘦於松

苦熱在省中作

金烏自吐炎呀喘反難翦自此日行遲留作煎
人火安得亘空扇搖簸遍天下

訪安和寺幢禪師師請賦一篇

青山真故人似喜幽人至來時貺清景風日正
妍媚到山末去幾蕭蕭雨聲蒸散髮卧風軒一
場雷鼾鼻起視復澄霽木末掛規燬鳴蟬翳葉
嘒鬬雀爭枝墮衲僧手煎茶誇我香色備我言
老渴漢茶品何暇議七坑復七坑要涸巖前水

是時秋初交殘暑未云弭當午雖敲蒸晚涼聊
可喜青瓜嚼水精冰液寒侵齒碧桃雙頰紅嚼
罷堪祛睡偃仰自忘還茲遊真適意

得蟬鳴稻

早稻謂之蟬鳴稻

不欲負其名趁得蟬鳴日眼見新穀升今年事
亦畢

李侍郎眉叟和郎子困冬日詩命
愚息涵和之又使涵邀予同賦故

次韻奉寄

君不見春園富貴紅杏與緋桃無奈天工費剪

刀芳辰若此宜狂吟如我麤才尚欲傾江濤頑
冬臍月何所賞朔風號樹空騷騷掖垣老吏凍
鼈縮呵手草詔猶言勞公於此時摘藻麗春葩
都為熏天氣却豪更羨郎君不是阿兒比筆下
新詩調大高

以公事免官閑居李先達元胄皇
甫狀元琯金狀元莘鼎朴亞元應
貴攜酒見唔以詩謝之

白頭補闕本何言忽陷風波掖掖垣獨與妻兒
同旦暮更無賓客問寒暄但將咄
百字何用

規規自勒門多謝殷勤四君子共攜芳酒枉
高軒

次韻吳拾遺夢林以詩見唁二首

雀羅門外無來客雞樹垣前憶舊遊諫職久瘵
宜見損碧霞青嶂好歸休

失路忽從天上落登瀛翻似夢中遊一言見訊
千金重三黜忘懷萬事休

題朴淵

昔有朴進士者吹笛於淵上龍女感之殺其夫引之為壻故号朴淵

龍娘感笛嫁先生百載同歡便適情猶勝臨邛
新寡婦失身都為聽琴聲

嘲醉僧夜起嚼冰

酒醒中夜嚼寒冰百品珍肴敵未能此味平生
疑獨享老髭先我飽嘗曾

已卯四月日得桂陽守將渡祖江
有作

晚山煙暝水漫漫灘險風狂得渡難命薄如今
遭謫去尚難拚却望長安

東國李相國全集卷第十四

東國李相國全集卷第十五

古律詩 桂陽所著

退公無一事七首

退公無一事寂寞似孤村
頭岸鹿胎幘身遮犢
鼻禪虎來猶白日蚊
嗜未黃昏笑矣殘城守徒
勞夢掖垣

退公無一事高卧北軒
風壞壁蛇遺蛻荒階蟻
曳蟲睡餘浮眼纈病後
落頭蓬笑矣殘城守形
容劇野翁

退公無一事暑氣謾蒸人
吟久巾欹頷眠多簟

印身碁閑遊毒手酒盡銅饒屑笑矣殘城守生
涯老更貧

退公無一事默坐念空王飢鼠登書架幽禽入
印床不堪消永日聊喜向斜陽笑矣殘城守無
由放舊狂

退公無一事白首若孤囚未識邦侯樂空思法
從遊朝廷天共遠日月水同流笑矣殘城守貪
官莫退休

退公無一事門外吏人稀耳靜嫌蟬噪身拘羨
鳥飛屋矮頭可觸地窄手難揮笑矣殘城守何

時告滿歸

退公無一事散髮自逍遙對客烹蔬菜呼兒灌
藥苗顏曰馱世變首為聖京翹笑矣殘城守剛
腸老亦銷

示通判鄭君二首

江南地僻作孤囚猶似籠禽不自由嵐瘴熏人
顏漸黑相逢應愧舊交游

入溽事簡雖堪喜地瘠民殘不忍看公退坐衙
無一事官人無事益難安

太守示父老

我是老書生不自稱太守寄語州中人視我如
野耆有蘊即來訴如兒索母乳久旱天不雨是
亦予之咎殷勤謝父老不如速解綬我去爾即
安何須此老醜

父老答太守

太守馱吾儕意欲解腰章吾州雖瘠薄地勢龍
軒昂於茲剖符者不月被徵黃願公忍須臾乍
復舍甘棠當有九天使邀入紫微堂

籠中鳥詞望江南令

籠中鳥竟日幾千迴縱有一鳴脣舌在那堪四

觸羽毛摧餒食益哀哀天上路回首憂悠我
浴鳳池猶有意新拙烏府豈無媒且復待時來

無酒

我本嗜酒人口不離杯卮雖無與飲客獨酌亦
不辭顧無樽中綠燥吻何由滋憶昨在京輦月
俸有餘貲釀得如許甕挹酌無停時家醞或未
繼沽飲良足怡嗟嗟桂陽守祿薄釀難支蕭條
數家村何處有青旗亦無好事者載酒相追隨
端坐一堂上竟日獨支頤業已為逐臣飢渴固
其宜胡為浪自恨攢我數寸眉開口強大笑笑

寒反噢咿此語勿輕洩問者當哂之

玄上人饋桃以詩謝之

君不見方朔食桃何大卑空被西母稱偷兒我
今不偷亦不乞坐致堆盤光陸離雪之以黍嚼
更清不唯解餽堪解醒手攜日翫尤愛處被酒
佳人頰半頰報之瓊瑤深自愧但祝爾壽三千
載更看此菓還一熟饋及饒翁聊復耳

與玄上人遊萬日寺次壁上韻

遙峯毫較細遠舶芥分微夕瘴尤添熱秋雲好
翳暉巖高猿易苦林靜鳥猶稀吟久難迴馬從

教露濕衣

君恨江湖遠未明不曾翹首暮天平我憐杳杳
長流色想聽喧喧打浪聲漁火微時入正宿賈
舩歸處櫓應鳴訪來若也忘携榼決笑遨頭大
真情

玄上人見和復用前韻

夢酣仙境勝身著盡屏微露重猶疑雨江昏未
信暉他山脚底歷此地眼中稀僧榻移時話方
歸覺皺衣

斜日溟濛水獨明亂山蟠屈路難平雲迷極浦

千帆色風落長江一笛聲度了幾人舟自泛噪
殘孤虎鳥猶鳴竭來深得江湖興忽起尊鱸萬
里情

白沙鋪地遠碧水際天微雨惡增秋浪霞明助
夕暉路幽逢虎熟海瘠得魚稀五馬人誰識蕭
然似布衣

海山千里月分明何處漁歌唱六平詩榻愛吟
帆去樣畫家難寫鳥啼聲林巒有霧晴猶暗松
檣無風晚自鳴瞠目彷徨君莫怪詞人自古苦
鍾情

贈書記無簡貳車二首

少年登第兩先生我亦曾為出谷鶩二桂一時

同一府此州真得挂陽名

登第三人交分厚同寮千里宿緣深各須努力

流清譽小答州人拜賀心

書生三人同寮州人皆喜

謝衿州退老姜大文惠酒

以中軍錄事解官來居

嘉君政軍稱萬口

君有峯城政譽

謂君縱步登三事云

何白首滯一官投老歸來拙僻地有田瘠鹵得

米少聞道渾家飢欲死何從釀得千日酒題封

遠寄殘城裏殘城老吏老吏窮甕裏生塵無綠

蟻得君羨醪喜且舞邀致同寮圖共醉殷勤厚
意何以酬但祝君壽倒却羨門子

次韻金承宣良鏡和陳按廉湜三首

五年西掖演龍綸戎幕叅謀又幾春

公曾為兵馬寮佐

丹漢忽騰歸路坦白沙行築步堤新功高塞北

官且貴身在王前道可陳若對天顏清譙問莫

忘同甲一窮人

滿朝卿相掌絲綸窮谷誰霑雨露春楚客謫來
食菊苦劉郎去後種桃新情深戀闕難歸穎官
號專城實在陳不有青雲知己在如今已作碧

山人

公退蕭然一白綸窮鄉寒日永於春世情官况
秋雲薄病鬢愁髯臙雪新瘦腊若將餘喘去死
灰那有寸心陳仰天痛哭形寥落不似黃堂佩
印人

與玄上人遊壽量寺記所見

殘鄉無勝境古院有名樓暇日乘清興輕裝占
羨遊仰攀高薦蔓俯亂淺溪流太守行無喝稚
童不避騶自然同野老何更視邦侯垌馬晴方
牧巢禽暮自投多生應記覽到處似經由八谷

愁襟暗逢村得路脩驚鼯窟竄深樾瘦鴨立澄溝
訪到客情款出迎僧語柔談空初詰曲話舊更
綢繆躑躑登危構寬閑瀉滯憂一軒窮遠眺萬
像赴冥搜日落烟光靜虹明霽景浮林喧無賴
鳥郊卧大平牛夕露濃於雨寒篁颯欲秋霧平
鋪白水草遠展青油壞塔苔痕澁虛窓樹影稠
屋雞翹繡頸山雉靡莎鞦并近宵猶汲菰殘晚
未收月櫺思慢笛風檻戀重衾初為嘗茶至還
因有酒留嫌喧屏騎從諱獨嘯朋儔小塢鷺捐
蝶深園雀啅彪巖泉同鹿飲林巢任猿偷大瓠

垂歆甕圓梨落迸毬芋哇深伏卵菌木忽懸疣
物化觀無限詩篇拾未周恍如來別界曠若釋
幽囚憶昨趨軒陛連晨侍冕旒斤來心惘惘愁
坐鬢颺颺賴有優哉地方驅鬱戾愁命奇雖此
謫天貺亦云優野菜何妨煮山醪未害簞江山
皆可意薪水足充求半世違茲樂浮名是我讎
苦遭塵眯目坐受雪侵頭祿薄何須慕官微尚
可休終身知有所築室早營謀但恐歸來晚寧
勞更相攸

管記李君以公事免官將歸予不能無

悲以詩送之

我昔初識子完山千萬里不意桂陽州與子共
憂寄子既漂於水我亦思酌水魯衛故無猜意
欲同終始何意忽被彈歸意不小弭我初聞之
悲細思堪賀爾此邑雖名都殘壞古難比生民
皆菜色一日那忍視我已絆如囚決被瘴江死
賴爾福所鍾軒然忽去矣但恨豔陽天桃李競
嫵媚此時捨我歸我殆為天弃

次韻廉按使金節中戲贈文學

早是紗籠護像人攝調何更借絰申

公被病江
方痊

山遍歷崎嶇地嵐瘴難候富貴身令書郵筒踰
電邁食庶厨殂戒星陳殘城一箇孤寒守都抱
平生託使臣

問瘼前頭感幾人舊衙幽怨倒腸中威霜已束
貪夫手褒袞偏加潔吏身軟話何時重簪聽孤
懷無處得深陳歸朝若借雌黃論白首堪叨兩
制臣

西掖當年備七人江湖流落憤難申有時虛掉
狂吟舌無計能抽謫宦身理寧寂寥慙召社村
居蕭索想朱陳一言褒獎千金重感泣都忘作

逐臣

次韻皇甫書記雨中獨詠

歲儉懽聲小春酣睡味長投錢空飲井凝寢阻
聞香僻塢花期晚窮閭日色涼出非求岫婁悲
似謫黃岡歆世顏慵舉爇人口莫張賴君新管
記滿邑忽生光話舊情千緒忘懷笑一場但緣
官檢束未放酒顛狂深巷猶纖雨踈林欲夕陽
以予深眷戀知子苦思量

次韻謝皇甫管記贈扇墨

寶篋珍煤價並翔緘封開了帶仙香薰風共簸

清誰勝大地同磨限莫量已遣江山歸潤色更
驅塵垢拔飄揚應將烏漆成瓊玖想把金刀剪
雪霜擎弄正知雙手重携搖偏得一襟涼但緣
衰病稽趨謝不敏端宜畧買羊

復和

高麗絃扇鶴翎翔上黨松烟麝澤香贈我殷勤
誠寀重思君比况意難量行期誥筆同予泚還
望仁風共爾揚靜染藤牋如點漆試搖練袖似
懷霜文房已覺千金賤暑閣懸知六月涼感佩
厚恩無計報明朝謝罪欲牽羊

皇甫書記見和壽量寺留題復用前韻

白首殘城守宋薨古寺樓往年乘病暇數日作
閑遊黠鼠逃巖穴幽禽下浴流到門麾吠犬擇
樹繫鳴騶蘭畹思騷客瓜園憶古侯葛巾慵不
整木榻因方投啄粟雞呼偶喂叢鹿應由飽霜
红柿爛迎日碧梧脩簾吹搖銀蒜簷霽腐木溝
芋肥藏郊大梨熟得肌柔野飯烹菰實村醪典
臬繆說文云臬
十繫曰繆居然中散懶消却仲宣憂風月
窮天賞溪山罄地搜嵐深濃滴滴雲淡遠浮浮
桑剝生千繭禾登費萬牛我詩無好語所記止

清秋欲寫全山景先徵繼畧油盤蔬千品異時
巢石般稠野服何施紐藍輿不用鞦來驂危欲
理離思浩難收更望青旗店尋拋紫綺裘况煩
寮友訪還被主人留獨往初無侶同歡已得儔
庭松龍甲瘦階笋豹文彪勝槩黃祗秘吾儕白
晝偷蓮莖歌玉柄栗殼墮毛毬妙句侔爬癢微
言劇決疣恠公猶未覲狀物一何周君和詩然
後始與我
遊約我同尋勝軒然似脫囚莎平行綠毯蠡倒
挽青旒小井清瀾瀟虛堂爽籟颼披襟堪濯熱
蠟屐足蠲愁詩格君無敵碁評我頗優官絃呼



妓弄家醞遣兒爲樂亦這中在心何此外求病
楮筇借力老把鏡成讎處僻蝸生角逢人鼈縮
頭鑿坯雖未遁解印會應休要遂藜藿計寧思
肉食謀濟時唯子耳廟筭待荀攸

題南山茅亭

鑿巖通湧溜渚沼跨飛檣望恐浮漁艇來疑入
畫屏水仙應蓄異地媪正儲靈野色簷前擁泉
聲座底聽清風當夏足白露未秋零錦蘚纏珉
砌冰漿凍玉瓶岫穿增遠眺洞豁助遐聆樹卓
高幢碧松張偃蓋青許公曾相地

洪材

李守始開

亭實忠欲配甘棠詠重營刻此銘

上崔相國并序

晉康公嗣也

其本之吏能出為郡守政猶未滿汲汲然求見代者似為大旱然僕居省五年忽曰非罪被有司所彈賴閣下盡力營救然後不落散地受此方州之任矣幸今閣下當國凡內外官寮之名不廉者既盡懲之矣夫清者濁之對激其濁則必有揚清之議如吾礪節奉公者雖未蒙大賞亦何必三年而後見代耶伏惟諒之

早沐深恩入鳳池忽曰橫議落江隅謫曰非罪
公曾識力欲扶顛世亦知逢爰蒙寵同鹿處園
墻踈漏任狼窺訟庭愁見飢民色公席慵看黠
吏姿邑俸近從刪省少田租未免負馱移尚難
周補經年粒况可能營禦臘絲舊踏藥階天忽
遠與遊蘭友驥難追苦遭簿領長纏縛無奈詩
情大減衰叅秩五年仍六品殘鄉一日敵三期
鉤軒若採水清節瓜代何須要及期

明年以起居注見召

童城客舍次壁上諸賢韻

賓館嵯峨役鬼成憑君莫道是殘城一枉村酒

歡猶足贏得人間分外榮

剪月裁雲習已成馬頭吟苦入江城重歸鳳省
雖無路皂蓋行春亦是榮

書衿州倉壁上

殘年與郡力難任愧積心中顙泚淋發廩賑貧
仍得雨始知天意愛民深

雨中觀耕者贈書記

一國瘠肥民力內萬人生死稻芽中他時玉粒
堆千廩請記今朝汗滴功

衿州客舍次孫舍人留題詞韻

衿州好春景一何奇
芍藥嬌多工媚嫵
海棠眠重正歌垂
把酒惜芳時
臯壤沃膏潤
賴潭池俗習雖同齊
土緩居民多似老
臺熙飢飽卜安危
孔巖江上吟

浴殘飛倦鳥耕罷卧閑牛
復嶺山中郭奔舟水
上邳

為憐江上景潛到荻洲濱
太守不汝詰漁翁好
下緡

病中示文學宋君

雙鬢蕭蕭條雪萬
筌強名邦伯得專城
酒杯乾日

生中死賓從來時辱裏榮病憶故入空有淚老
思明主若為情假教身斃南荒地白骨何人
拾取行

偶吟示官寮

龔黃非異人力學行可到但緣天性踈稜角久
未露甘食與安眠民訟任鴟噪不曾罰其頑亦
不詰其盜卧閣自逍遙有酒即醉倒人情各不
同莫道老而耄殘民難急理可撫不可暴

予以事到守安縣西華寺小酌上方南
榮江山遠眺莫有過茲者然以境幽路

僻來遊者蓋寡故無有留題住老請詩

爲留一篇

逃村多複嶺無處望長流賴有三椽寺如登百
丈樓島微倂握小船遠似盃浮目極通千里心
超躋十洲神慳茲地秘天許我曾遊瘴重日蒸
霧林幽賴挾湫暮雲將雨暗秋巢得霜柔領得
壺中景都忘世上拘但緣無客到不見有詩留
何日拋腰印閑來正押鵠

與忠原崔書記仁恭遊紫鷺島濟物院

亭用板上諸公韻賦之

一江無價景數棟壓流亭落日能黃赤奔濤互
白青海神剛挾勢河伯詐分庭漸遠

容與水形

崔書記見和復題四首

何處宜吾意平生只此亭客頭潮共白

同青境勝移方丈入渟復大庭子詩收萬景

似鏡傳形

豁於遊笠澤酣却醉蘭亭仙島鰲頭碧蠡天鳥
外青漁燈明極浦僧屨響空庭過客詩中識何
須面對形

蕩身停木道豁眼上江亭鷺頂翹垂白鳬翁引

濯青

時鑑曰鳬引濯其翁翁頸也

潮聲殷虛廡山翠滴幽庭

莫是真人住

有十六聖像

何煩卜地形

地高猶壓海心巧更營亭遠島人烟白深林鬼
火青魚堪求丙穴鵝豈費黃庭莫使畫家見并
描我瘦形

與寮友諸君遊明月寺

荒榛撥難開石徑少平曠下馬行且顛折我三
尺杖幽巖不慣人拱立形恻恻飢虎爾莫嚙忠
信吾是仗木末得招提架屋依巖嶂何人命其

名明月以標榜欲將月澄心豈爲月可望丈室
高於樓迥壓蒼海廣舊聞天難昇忽已在天上
水色遠逾白霜練鋪一樣陰雲與霽霞頃刻千
萬狀大舶點波心麼若輕鷗漾寄語漁舟子著
意好搖槳將爾閑遊形入我詩比况嗟予醉簿
書久矣負清賞到郡侵二年尚未此閑訪今朝
駕言來大副夙心想請君更留連此是天所餉

次韻宋文學

驚人妙語似神施何事含冤桂樹枝正合帝居
叅學士謾勞蠻郡誨癡兒每看筆浪千尋涵深

恨功山一簣虧巧匠傍觀誰代斲劉蕡不第爲
時悲

婦去夫留是底由妳無拘迫我如囚舟將入遠
心隨去海送潮來淚共流只隔一江波浩浩却
同千里路悠悠鵲山咫尺身難到馬上佯眠怯
轉頭

萬日寺謝寮友諸君爲老夫展齋聖殿
仍置酒見慰

多謝諸公記老生心香信粒叩禪扃仍呼蟻泛

盈壺酒共上。羣飛望海亭。極浦歸帆歎送夕。
陽漁笛。把杯聽。同寮情重。邦詞飲醉後。難禁感
涕零。

分行驛次板上韻憶舊

甲子年携妓宴此樓

黃泥壁後昔留詩。漫滅無蹤莫記思。楊柳尚垂
曾去路。江山猶似舊遊時。青蛾安在空追憶。白
首重來但暗悲。持節他年雖得到。上樓筋力恐
先衰。

揚梓驛次板上韻

黃堂坐嘯費星霜。地窄難迴舞袖長。但把直誠

李杜國集卷十五
除外飾那將素面假妖粧衣裳藍縷身無彩旌
旆悠揚路有光左宦殘城憔悴客五年司詔紫
微郎

復遊茅亭次韻皇甫書記

李公心匠構茅亭

李太守實忠所構

盛夏登臨敵馭冷

烟淡未遮川遠碧日炎難犯樹深青檻前山似
屏中見座下泉如舸底聽長揖羨門堪挹袖不
因羽化亦通靈

次韻皇甫書記用東坡哭任遵聖詩韻

哭李大諫眉叟

士當擇人交不必論少長門弟顏回死孔子稱

天喪况公真我師禮法繩吾放不敢狎而媒事

以夫人行

公長我十餘年

我昔始垂髫公時年方壯我

壯公已衰片雪黏鬢上始謁竹林會此會群不

黨

公與趙咸吳等六君爲竹林會

容我預其末文戰補偏將屢

參七賢會

自爾漸忘年多負士林謗六君皆鬼錄相

繼歸黃壤公獨頗耆壽方有三台望今日又蓋

棺浮榮真一餉千里聞訃音未識何日葬東望

哭聲長重雲暗青嶂披篋得遺篇宛如珠在掌

但愧三十年竟莫窺字量生死已殊途丹臺何

處訪行潦猶未羞咄咄大無狀

臨上闕復與寮友遊茅亭走筆

典郡第
二年季

夏以起居
注見徵

安石在東山遊賞必携妓雅意在蒼生終爲蒼
生起我無謝公才但愛山與水經綸安敢期到
處窮樂事有妓不敢麾有酒不詞醉挂陽何處
佳獨此茅亭耳水從亭下過映檻搖蒼翠飄如
一畫舫浮在烟波裏三伏正流金寒將凍入齒
此境尚懸心徵詔從天至去時百迴頭歸馬那
必簪他日復遊無儻作輜軒使

七月二十五日善法寺堂頭設餞見邀

乞詩

初秋暑熱尚如火徹屋炎光乾裂尾我居湫隘
無可奈但嚼渠渠居大厦紆衫流汗慵閑坐薤
簞膠上聲身嫌久卧忽聞碧眼特邀我出郭徐驅
果下馬傍樹崎嶇踏落巢幽禽飛起驚人嘯已
看黃稻蝦鬚驪更見斑瓜狸首亞穿雲撥霧度
平野遙望青青山一朶青山之曲款精舍金碧
樓高光激射吾師戒行高天下十笏房中方解
夏許容吾輩恣遊冶坦率風襟如子宴有罰深

孟吾豈怕園蔬野菜酒堪佐醉中狂態誰復罵
終日呌呼喉不噎初來但欲輒偷暇美景漸佳
如啖蔗如予被詔朝天者如此名山無幾過更
坐殷勤傾數盞清風朗月真無價憑師慎勿爲
燃燐我本卜晝不卜夜况師不以毛皮迂留之
不惡歸亦可臨行一笑何須謝

發州有作示饑客


太守初來時父老夾道邊其間婦與女駢首窺
籬偏非欲苟觀貌庶幾沐恩憐到郡若酷暴其
眼願洗湔我今理無狀欲去畏懷輒胡爲尚遮


擁似欲卧轍前好去莫遠來我行疾奔川爾邑
誠困我二年如百年

入京有作

南州左宦稍堪嗟西掖重来尚可誇好事人人
皆說道中書門下是君家

東國李相國全集卷第十五







集國相李

五